


www.BibleForChildren.org

Matju 1



Odocob jagel 6-pelana Ilisabet waugca bibilen Anut uqa ensel Gebriel Galili hatu ono suldocob jobon oso, ijan Nasaret, ono nuen. Uqa mel aid taula oso, uqa dana oso, ijan Josef, ugiannu bilen eu uqaca je hewi nuen. Josef uqa King Dewidna si huldec. Mel aid taula eu ijan Maria.



Odocob ensel madon, "Maria, hina Anut amegna me bilec wele oga. Eunu cain cucuiagaun. Faga, hina wawinca cobimeg mel oso basegan. Odimeg mel eu ijan Jisas qogan. Uqa hibna dana binanca biligian. Odocob age Anut Ohis Bahic Melah doqagan. Anut Tibud odudeceb uqa king caligian. Uqa asag Dewid king bilen eu odi biligian. Odocob uqa Jekobna sihul agena king bileceb catanigian. Uqana cul

qee qee meiaun," don.



Odocob Maria ensel madon, "Ija dana oso qee olom. Eunu ceteh eu adi caligian?" don. Odocob ensel jejeg hewi madon, "Kis Gun hinaca humei u tacihiagian. Odocob Anut Ohis Bahic uqana gagadic odoc jahulhiagian. Eunu mel hina basigian eu age gun oqagan, age Anut Melah oqagan," don.



Saen eu odina Maria uqa taun oso aluhna
nijen eu Judia hatuna ono mahucwe nuen.
Uqa nuimei Sekaraiana jona limei Ilisabet
alalagdon. Saen Maria uqa
Ilisabet alalagdodon
waugna mel sim uqa
bicolen. Odocob Anut
uqa Ilisabet Kis Gun
cacawac meceb uqa
je jeg gagadicca utai
madon, "Hinana
eeldoc eu caja cunug
agena eeldoc
wooladec. Mel sim



basegan eu Anut
uqaha eeldugian."



Jisas cali honnu je eu odi nijia.
Jisas anag Maria uqa Josef
col codoc bibili uqa qee ocna
Kis Gun odocna waugca men.
Uqana dana, Josef, uqa
Anut amegna tutuc
coboloi. Odimei uqa
Maria waugca ec
dumei uqa culdigen
ec cisdon. Euqa uqa
Marianu cewudec je
uqa dewegna cain
hoiaunnu naha jahuni
culdigen ec cisdon.




Odi cisdudu cocobon Tibudna ensel Josef witic us ninijen bebelecna camas mimei madon, "O Josef, hina Dewid sihulnadec, hina aiden Maria ocnu cain cucuiagaun. Faga, uqa melca eu Kis Gunnadec. Uqa mel baseceb uqa uqana dana cajaca agena silailnu fadalowainnu cahahaadigian, eunu hina uqa ijan Jisas qogan," don.



Odocob Josef uqa us niji cajimei Tibudna ensel
maden eu odi toodu uqana caja, Maria, ehuden.
Euqa Josef uqa Maria mel qee basec
ninijen uqaca qee niji lesin. Mel
baseceb uqa ijan Jisas qon.



Saen euna Sisa Ogastas, uqa Rom hatu cofdoc dana,
uqa dana age maha cunugna bilein age ijanaga
jaqoqagannu loo je oso
men. Eunu dana cunug age
agena jobon
gugna beli
age



ijanaga jaqein.



Odocob Josef uqa Dewid sihulnadec. Dewidna sihul
agena jobon gug eu Betlehem. Anag uqa Dewid ono
basen. Eunu Josef uqa
Nasaret jobon Galili
hatudec culdimei
Betlehem jobon
ono Judia



hatuna nuen.



Uqa Mariaca osoben ijanala jaqecnu belesin.
Maria uqa Josef ugiannu col codoin qa uqa waugca
cobon.





Odimej Maria mel matu basimej lotocna jeludimej ono
nijec jo cudunca qeenu uqa bulmakau agena bohna
mudeceb nijen.



Odocob hatu euna sipsip cofadec dana age witic
sipsip cofaadi bileig cabina bilein. Odi bibilegin
Tibudna ensel dana age gemo
caleceb age Tibudna

kobolkobol
iletadeceb
ben bahic
cucuiein.




Euqa ensel maaden, "Cain cucuiuwain! Ge feiga, ija age me je ahuadiga eu dana cajaca mahamaha cunug dumeig celeboogagan. Qila deel ina Dewidna taun ono caja oso mel baseia. Uqa agena Cahahaadec. Uqa Kraiss



Tibud."



"Age fecnu gadac oso eu odi nijigian. Age mel momo oso lotocna jelec uqa bulmakau agena bohna ninijeb foqagan," aden.



Odocob mahuc bahic sao ohisna ensel age Anutna han
dana gagadic mati bahic ensel euca cali
humeig age Anut binan susuli

madein: . . .



"Sao ohis bahic Anut uqa kobolkobolca biliale. Mahana dana age Anut uqa nalunuga mena eu malol bileigale," ein.



Odocob en sel age culadi sao jobon haun
tecebil sipsip cofadec dana age
togodudu madein, "Ge, cete h caleia
Tibud mageia eu fecnu Betlehem jobon
ono beleqale," ein.



Odimeig age mahuc belimeig Maria
Josefca gulucalimeig mel momodo eu
bulmakau agena bohna ninijen fein.
Fecidodoig ensel mel inu maaden je eu
Maria Josefca saalein.




Maria uqa Jisas
Betlehem jobon ono
Judia hatuna
baseceb Herod uqa
king bilen.
Saen euna



haiden agena doc silecca
dana age cam tobi becnadec
Jerusalem jobon cali humeig dana
sisiladi maadein, "Mel sim haun
uqa Juda agena king cali hon eu
ana bilia?"





"Ege uqana malaqa ono cam tobi
becna isec camas meceb fimeb
ege amegna gob cehimeb uqanu
cuha feqannu hoqa," adein.



Odocobil Herod uqa doc
silecca dana jahuni
utaadeceb hocobil uqa
malaqa cel saen cali hon
eunu sisiladen. Age
silditocobil dumei Betlehem
jobon belecnu dado madimei
maaden, "Ijaha nui mel eunu
cuha figennu age uqanu megi
cuhadoigale. Odocob age eu
gulucdu fimeig hu
sateigale,"
aden.



Odocob age kingna je dumeig Betlehem jobon
beloqagannu belein. Odocob malaqa wele cam tobi
becna isec fein eu aquniaadi, jo

mel bilen eu ohis cehi qudu
tawen. Odocob age jona
limeig melca uqa anag Maria
ha fecialimeig age
mel amegna gob
cehi jogoimeig
uqanu cuha fein.



Odimeig agena bokis qosocdumeig goldca, gilic ja
manecebil dedeman meca, gilic dedeman meca umeig
age toinanaga osoosoca Jisas utein.

Odocob Anut uqa age
bebelecna maadi maaden,
"Herod cemenug haun ceseli
cain belowain," aden.
Maadeceb dumeig
age jic osona
agena hatuna
ceseli belein.



Doc silecca dana age wele
belecebil Tibudna ensel
Josef us ninijen bebelecna
camas mimei madon, "Faga,
Herod uqa mel wawali li
qocnu madena. Eunu
hina caji mel anagca
cedalimeg busali Isip
hatuna nui biliga.
Ija


mahecemin haun ceseli
ene hogan," don.




Odocob Josef uqa witic
cajimei mel anagca cedalimei
Isip hatuna nui bilein.

Odimeig age Isip hatuna
bibilegin li Herod uqa cal
men. Saen euna Tibudna
je hahun madec dana
uqana je ihoc ligiannu
cetek eu calen. Je
hahun madec


dana uqa wele odi
maden: "Ija melami Isip
ono bibilen utadocomin
Isipnadec cali hon," en.




Herod uqa doc silecca dana age
ija uhultiti woolti belein imei
gemag ben bahic ben. Odime
uqa han dana suladeceb age
mel manahal age cabi gel lecis
qee wooladec eundec cunug ...




... age Betlehem jobonca hatu
cemenugca ono bilein eu aqi
hedoin. Uqa doc silecca dana
malaqa cel saen wasen
sisiladeceb madocobil don eu
toodu mel aqeceb cal mein.






Herod cal meceb Isip hatu
ono Tibudna ensel bebelecna
Josefca camas mimei madon,
"Dana age madi, mel qoqan,
ein age wele cal mein. Eunu
cajimeg mel anagca
cedalecem ceseli Isrel
hatuna beleiga," don.



Humeig Herod melah Akeleas
memeg hehuldi king
bibilen eu madocobil
dumei uqa Judia
hatuna bilecnu
cucuien.




Anut uqa Josef bebelecna dado
mudeceb Galili hatuna
nuimeig Nasaret jobon
ono bilein. Je hahun
madec dana age




wele odi madein, "Age
uqa Nasaretdec doqagan," ein.
Eunu je hahun madec dana agena je
oso ihoc ligiannu age Nasaret jobon ono bilein.





36



60



Rom 3:23 Ge, ege dana cunug ege silail mom eunu ege Anutna fulacdoc ben eu ocwe qee.

Rom 6:23 Ge, silail kobol eu uqana ameg eu cal mec himec. Euqa Anut uqana eelgec uum igec eu cebac bilec catanec. Ege egena Tibud, Jisas Kraisca gabandumeb cebac bilocomun cataneqan.

Hibru 9:27 Dana cajaca cunug age cal mi osoldogina. Odimeig hibna age Anut amegna tawecebil uqa gesiladigian.

Efesas 2:8,9 Ge, Anut uqa uqana eelgec uum igecna age wawaga meleeceb cahahaaden. Odocob eu agena odocna qee, eu Anutna bagol igec himec. Eu dana agena odocna qee, eunu dana oso uqa culai madi, Anut uqa ijana odocnu cahahaten, odi cain madeiaun.



Jon 3:14-17 "Anut uqa Melah mahana dana agena silailnu gesiladigiannu suldocob qee nel qa mahana dana cahahaadeceb demico biluqagannu suldocob nen. Odocob Anut uqa dana cunug mahana bilegina nalunuga mimei cunug age uqanu wawaga meleigian eu age qee fadalowain qa age cebac bilec catanec eu oqagannu uqa melah osol himec culiaden. Eunu Moses uqa wadauna man sononec ihicon qoc suli u caqusenwe dana cunug age uqanu wawaga meleena eundec age cebac bilec catanec eu oqagannu Dana Melah age odi suli u caqusuqagan," don.



1 Jon 5:11-13 Odocob Anutna qasali madec je eu odi.
Anut uqa ege cebac bilec catanec igen, odocob cebac
bilec catanec eu uqa Melahna bilia. Dana uqa Melahca
gabandoc bilina eu uqa cebac bilec catanec eu wele on.
Odocob dana uqa Melahca gabandoc qee bilina eu uqa
cebac bilec catanec eu qee ol. Ija age Anut Melah ijannu
wawaga meleena eu age cebac bilec catanec wele oin ec
doqagannu je i jaqiadigina.



Matju 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Amele Bible (aey) © 1997, Wycliffe Bible Translators,
Inc. All rights reserved.

<https://www.bible.com/bible/978/MAT.1>

©2026 Bible for Children, Inc.

www.M1914.org

www.bibleforchildren.org

